

杏苑生春

卷之六

新刻太醫院發刻醫家必究杏苑生春卷之六

太醫院史 紹庄 徐文元 發刻

醫正 活溪 芮 經 彙集

秣陵後學 文麓 紀夢德 次編

太醫院醫官雲林 龔廷賢 校正

金陵書坊 蔣氏 石渠閣 梓

○眩暈

眩暈。是卒然之間。眼目昏花。如屋旋轉。或眼黑耳聾。目閉身轉。如立舟船之上。起則欲倒。不可一途。而取執也。得之風者。脉浮。有汗。寒者。脉緊。掣痛。暑者。脉虛。煩悶。濕者。脉細。重滯。此四氣乘虛而眩暈也。得之七情。鬱而生痰。痰以動火。隨氣上厥。此七情



攻虛而眩暈也。淫慾過度，腎家不能納氣，歸元使諸氣逆奔而上。此氣虛之眩暈也。吐衄崩漏，肝家不能收攝榮氣，使諸血失道妄行。此血虛之眩暈也。又有勞役致使氣虛而眩暈者，有大吐大下，金瘡去血，致血氣皆虛而眩暈者，有熱痰而眩暈者，有痰因火動而眩暈者。此症雖有數種，皆不越乎痰挾虛而然。又有氣鬱生涎，多令人眉稜角痛，眼不可開，寸脈多沉。治法須詳致病之因，隨機應敵。其間以升降鎮墜為最，不可妄施汗下。有眼掉，此非虛，乃風熱也。經曰：諸風掉眩，皆屬肝木。各當求其所因，施治而審焉。

○脈症通明

左手脈數多熱，瀉而芤有死血。右手脈實有痰積，脈虛大必是久病。左手人迎脈緩而浮大者，屬風。

夫眩暈之症。大抵有內外虛實不同。是治法亦有虛實之異。其  
內因者。乃七情所傷。如前論氣虛血虛陰虛之類。乃有餘  
之病。治法宜瀉。不宜補。欲知其詳。當辨其症。如氣虛其脈  
當見濡弱弦微。其症或精神短少。無力。以動。如血虛者。其  
脈當見芤濇細少。其症或大便燥結。或不華色。但陰虛者  
其脈當見浮數。其症或燥。燥喘。或形槁。敗如感風。則脈浮  
有汗。項強不仁。如感寒。則脈緊而無汗。筋掣。掣痛。如暑。則  
脈虛煩悶。如濕。則脈緩沉重吐逆。  
痰火眩暈者。以天麻二陳湯加黃芩主之。

方天麻二陳湯

防風

白朮

茯苓

川芎

各一錢

橘紅

半夏

各一錢五分

白芷

五分天麻

六分

甘草

三分

右咬咀用生薑五片水煎熟食後溫服。

風熱眩暈者以川芎茶調散主之。方見五卷內

痰厥眩暈者以半夏天麻湯主之。方見四卷內

七情氣鬱眩暈者以香橘飲主之。

方香橘飲

木香 白朮 各八分 半夏麴 橘紅 各一錢

茯苓 八分 縮砂仁 七枚 丁香 甘草 各四分

右咬咀用生薑五片水煎熟食遠服。

感寒眩暈以附子理中湯治之。方見四卷內

風痰眩暈以川芎甘菊散主之。方見五卷內

治冒雨或中濕眩暈嘔逆頭重食以芎朮等之類。

方芎朮湯



川芎

半夏

茯苓各一錢

白朮二錢

甘草炙五分

生薑五片

右咬咀水煎熟食遠溫服。

脫夫血過多眩暈不甦宜用六合湯。

方六合湯

羌活

秦艽

白芍藥

防風各一錢

當歸

川芎

熟地黃各一錢五分

右咬咀水煎熟食前服。

病風寒在腦或感邪濕頭眩重痛欲倒嘔逆不定以芎辛之類

治之。

方芎辛湯

川芎一錢五分

細辛

白朮各一錢

甘草五分



茶芽

少許

生薑

五片

右以咀水煎熟。食後溫服。

痰涎壅盛頭眩惡心。以天麻二陳湯主之。

方見本卷前

治勞役所傷元氣太虛而眩暈者。以補中益氣湯治之。

方見二卷內。

病房事恣情致精元氣耗。眩暈欲倒。以十全大補湯。

方見三卷內。

此腎虛頭暈。以六味地黃丸。每料加鹿茸五錢。以固腎氣

也。方見五卷內

中暑眩暈煩渴欲嘔。以十味香薷散主之。

方見三卷內

痰熱客于上焦。多能昏眩。以前胡人參散

方見五卷內

眩暈得近火熱或熱手按之而定者。此陽虛也。以附子理中

治之。

方見四卷內

風痰上厥眩暈。以白附

十花主之。

方見三卷內



眼傳此風熱也以川芎茶調散主之

方見五卷內。

### ○眼目

諸脉者皆屬於目。目得血而能視。然五臟六腑精氣於上。主於目而爲之精。精之窠爲眼。骨之精爲瞳子。筋之精爲黑眼。血之精爲絡。其窠氣之精爲白眼。肌肉之精則爲約束。裏櫛筋骨血氣之精而與脉并爲系。上屬於腦。後出項中。故邪中於項。因逢其身之虛。其入深。卽隨眼系入於腦。則腦轉。腦轉則引目系急。目系急則目眩以轉矣。邪中其精。其精所中。不相比也。則精散。精散則視岐。故見兩物。目者五臟六腑之精。榮衛魂魄之所常營。神氣之所主也。故神勞則魂魄散。志意亂。是故瞳子黑眼法於陰。白眼赤脉發於陽。陰陽合傳而爲精明。大精明者。所以視萬物。別白黑也。目者心之使。心者神之合。故神精亂而不轉。卒



然見非常之處。精神魂魄散不相得。故曰惑也。蓋十二經脈三百六十五絡。其血氣皆上走於面。而走空竅。陽氣上散於目。而爲精。其氣走於耳而爲聽。因心事煩冗。飲食失節。勞役過度。致脾虛弱。心火太盛。則百脈沸騰。血脈逆行。邪害空竅。則日月不明。然五臟六腑之精氣皆稟受於脾。上貫於目。脾者諸陰之首也。目者血脈之宗也。故脾虛則五臟之精氣皆失所司。不能歸明於目矣。心者君火也。主人之神。宜靜而安。相火化行其令。相火者經絡也。主百脈皆榮於目。既勞役運動。勢乃妄行。又因邪氣所并。而指脾脈。故目諸病生焉。凡醫者不理脾胃。反養血安神。乃治標不治本。是不明正理也。蓋眼目屬肝經。全藉血以爲宮。精以爲輔。若非靜心保養。精血何由而生。或爲怒動其火。或因血虛。或因精衰。有生紅睛。有生白翳。有迎風多淚。有惡目羞

明皆因血衰過傷酒毒重衣火炕熱畜所致治法暴赤者清志  
洗肝血虛者滋陰養血怒火者鎮伏肝邪翳障者養肝去翳多  
淚者瀉肝經之大熱羞明者補陰血以涼心又有久病氣虛或  
飲食勞役而昏花者宜當補助元氣恣情縱慾傷損精血而昏  
暗者以滋益腎陰使精血克滋自然明矣瞳子散大於黃精視  
物無的以小爲大以長爲短卒然見非常之處行步踏空視物  
不真此血虛精衰也患此症者靜心息慮戒酒遠色韭蒜葱薤  
并煎燒熱物損胃藥餌皆當禁忌若用苦寒之藥必須酒炒又  
有雀目眼遇夜不見此疾難醫恨眼爲一身之要豈可輕忽

○眼目脉法

左寸脉洪數心火炎也關脉數而洪肝火盛也

右寸關俱弦洪乃肝木挾相火之勢而來侮所不勝之金制已

杏苑生春  
卷之六  
五  
所勝之土也

○眼目法則

目者肝之外候乃臟腑之精華為宗脈之所聚其白精屬肺金肉輪屬脾土赤脉屬心火黑珠屬肝木神光屬腎水其病一出于火如白珠變赤火乘肺也肉輪赤腫火乘脾也黑珠腫瘴火乘肝也赤脉貫睛心火自盛神光腫痛火乘腎也治療之法在藥則宜鹹酸之劑或吐之下之在鍼則宜神庭上星顙會前項百會諸穴以刺之雖然尤當詳其各經氣血多少施治

○如目內眦並目之上綱俱屬太陽其經血多氣少

○如目銳眥屬少陽其經氣多血少

○如目之下綱並目兩旁交額之中俱屬陽明其經氣血俱多

○如連目之系屬厥陰其經少氣多血是以凡血盛之經爲患者則大宜針刺

○如血少之經勿刺大宜苦寒之劑涼血瀉火爲主

○又河間謂在腑屬表當驅風散熱在臟屬裡宜養血安神

○如暴火眼昏澀膜淚班入眼皆風熱也乃肝氣盛而發在標宜表散以去之

○如暴赤障宜防風黃芩爲君以瀉火黃連當歸爲臣以養血稍加羌活柴胡升麻白芷甘草之類以爲佐使如白睛疼加白荳蔻少許

凡目病有四曰風熱曰神疲曰血少曰腎虛

○如因風熱者宜以辛涼之劑散之

○如血少宜以四物湯之類主之

○如神疲者宜以補中益氣湯之類主之。

○如腎虛者宜以滋陰補腎之類主之。

○如能遠視不能近視者乃火盛水虧法當補腎加味地黃丸。

○如能近視不能遠視乃水火虧法當補心宜定志丸之類蓋

火虧者乃心血不足也水虧者乃腎水不足也。

治肝經不足內受風熱上攻眼目視物不明常見黑花當風有淚隱澁難開或生翳障時行暴赤以明目流氣飲主之。

明目流氣飲

大黃蒸

牛蒡子

川芎

甘菊花

白蒺藜

防風

山梔仁

黃芩

荆芥

木賊

草決明

各五分

細辛

玄參

蔓荊子

甘草

炙各三分

蒼朮

米泔浸五分

右咬咀水一鍾半酒半鍾煎熟臨臥熱服。



治風毒上攻暴赤腫痛隱澁眵淚以洗肝散主之。

方洗肝散

薄荷

當歸

羌活

防風

川芎

各一錢

甘草

五分

大黃

煨五分

山梔仁

六分

右咬咀水煎熟食後服。

治風氣攻疰兩眼昏暗眵淚羞明以密蒙花之類。

方密蒙花散

密蒙花

蒺藜

木賊

石決明

羌活

甘菊花

各等分

右依法製度為末每服二錢茶清調服。

倒睫拳毛以防風飲子。

方防風飲子



防風

乾葛 各五分

蔓荆子

細辛 各三分

當歸身

七分五厘

甘草 炙

黃連 各一錢

人參 一錢

右咬咀水煎熟食遠温服。

病肝經蘊熱上攻眼目赤腫羞明多淚以蟬蛻等之類。

方蟬蛻散

穀精草

甘菊花

蟬蛻

羌活

甘草

蒺藜

草決明

防風

山梔子

川芎

密蒙花

荆芥

黃芩

蔓荆子

木賊

右件各等分依法製度為細末每服二錢茶調或荆芥湯食

後温服。

病勞役飲食不節致心火不得休息而生內障以蔓荆子湯或



內障升麻湯治之

**方**蔓荊子湯

蔓荊子

白芍藥 各五分

黃芪

人參 各一錢

甘草 六分

黃蘗 七分酒浸并炒四次

右咬咀水煎熟臨臥時食遠溫服

**方**內障升麻湯

乾生薑 三分

五味子

甘草 炙各四分

白茯苓

防風

柴胡 各五分

白芍藥

當歸身

人參

白朮

升麻 各一錢

羌活

葛根 各八分

黃芪 一錢

右咬咀先水三鍾煎二鍾再加黃連各少許食遠溫服

病眼發後上熱白睛紅多生眵淚無疼痛而隱澁難開昏花不





明以助陽和血之劑。

**方**助陽和血湯

防風 一錢

黃芪 一錢五分

蔓荊子

當歸身

甘草 炙各五分

白芷 四分

升麻

柴胡 各二分

右咬咀水煎熟臨臥時溫服。

**治**眼赤暴發作雲翳疼痛以龍胆四物湯。

**方**龍胆四物湯

當歸

川芎

白芍藥

熟地黃

羌活

各一錢

防風

防己

各五分

黃連

酒浸一宿三分

龍胆草

酒浸

一宿五分

右咬咀水二鍾煎一鍾食遠溫服。

**病**眼久昏疼或視物不清惡日羞明以涼血明目之劑。



方涼血明目湯

熟地黃

一錢五分

羌活

防風

各六分

甘菊花

山梔子

炒

穀精草

柴胡

各五分

木賊

甘草三分

川芎

當歸

各一錢

白芍

八分

如有淚加川椒

炒十粒

紅熱者加黃連

酒浸五分

龍胆草

酒浸三分

右吹咀水煎熟食前溫服。

眼中白翳以當歸龍胆之類。

方當歸龍胆湯

防風

石膏

黃連

黃蘗

黃芩

甘草

柴胡

羌活

五味子

升麻

當歸身

黃芪

龍胆草

白芍藥



右咬咀煎熟瀉清加酒少許臨臥時溫服

治肝氣實熱頭疼目眩眼赤心煩以柴胡等之類。

方柴胡散

柴胡 一錢二分

地骨皮

玄參

羚羊角

甘菊花

赤芍藥

黃芩

各一錢

甘草

炙五分

右咬咀用生薑三片水煎熟食遠溫服。

丹眼流膿生翳濕熱為病以龍胆飲子。

方龍胆飲子

穀精草

蛇蛻皮

甘草

炙

爵金

各二分五厘

麻黃 七分半

升麻 一錢

草龍胆

青蛤粉

黃芩

羌活

各一錢五分

右咬咀水煎熟食後溫服。



病口赤微痛羞明畏見日火怯風寒眼睫成紐眵糊多隱澁難  
開眉攢腫悶鼻塞涕吐大便微硬以明目之劑

方明目細辛湯

細辛 四分

當歸稍

白茯苓 各八分

桃仁

藁本 各六分

川芎

生地黄

荆芥

防風

麻黃根

羌活 各一錢

紅花

川椒 各四分

蔓荊子 七分

右咬咀水煎熟臨臥時服。

治內障以復明散主之。

方復明散

青皮 三分

橘皮

川芎

蒼朮 各五分

甘草 炙

生地黃

連翹

柴胡 各一錢

黃芪 一錢五分



當歸身 一錢

右咬咀水二鍾煎一鍾食後溫服

病肝經有熱目赤睛疼視物昏澁以羊肝丸治之

方羊肝丸

白羊肝 一具生去筋膜搗爛

黃連 生為細末

右件和勻可丸為度如梧桐子大每服五十丸用白湯食後

送下

精氣不足眼昏花者以益陰腎氣之劑

方益陰腎氣丸

澤瀉 茯苓 各二錢五分

生地黃 牡丹皮

山茱萸 當歸鬚 各五錢

熟地黃 一兩酒浸爛  
研碎如膏

五味子 乾山藥 柴胡 各五錢



右件各依法製度為未用煉蜜和地黃膏為丸如梧桐子大  
硃砂為衣每服五十九鹽湯空心送下

眼目紅疼以洗眼湯洗之

方洗眼湯

芒硝 一錢

黃連

當歸鬚

薄荷

白芍藥

荆芥

防風

各三分

右用滾湯一鍾泡透乘熱洗眼

病腫子散大視物不真此精衰血虛也以滋陰養血之劑

方滋陰地黃丸

熟地黃 一兩

生地黃

一兩五錢

柴胡

八錢

天門冬

甘草 炙

枳殼

黃連

酒洗

五味子

各三錢

人參

地骨皮

各二錢

黃芩

酒洗五錢



當歸 五錢

右件依法製度為末。煉蜜為丸。如豈大每服一百丸。食後

下日進三服

病肝虛積熱上攻。眼目翳膜遮睛。羞澁多淚。以明目地黄丸主之。

明目地黄丸

生地黄

熟地黄

各四兩好酒浸軟搗爛如膏

牛膝

七錢五分

石斛

枳殼

杏仁

另研

防風

各一兩

右件依法製度為末。用地黃膏與煉蜜和為丸。如梧桐子大。

每服五十丸。鹽湯溫酒空心一服送下。

病腎臟虛耗。水不上升。眼目昏暗。遠視不明。漸成內障。以杞苓



丸治之

方杞苓丸

白茯苓 四兩

甘州枸杞 二兩 酒浸

青鹽 五 另研

當歸

兎絲子 各一兩

右件依法製度為細末，煉蜜為丸，如梧桐子大，每服七十丸。

食前米湯送下。

病腎臟虛弱，眼目昏暗，或見黑花，以甘菊花等之類。

方甘菊花丸

甘菊花 一兩

枸杞子 二兩

熟地黃 一兩 五錢

山藥 二錢 五分

右件依法製度為細末，煉蜜為丸，如梧桐子大，每服三五十

丸，空心食後各一服，白湯服之送下。





病黑白翳膜呵欠善悲健忘多淚嚏噴以撥雲湯

方撥雲湯

黃芪 防風 黃藥 酒炒 羌活 各一錢 細辛

乾葛 川芎 柴胡 甘草 荆芥 各五分

藁本 六分 升麻 當歸身 知母 各七分

右以咀水煎熟食後溫服

病目少精光視物無力睛痛昏花羞明難開目中如火以神効

黃芪湯治之 方見五卷內

病雀目眼遇夜不能見物以煮肝散或猪肝一具白水煮熟露

一宿食之當日不盡再露次日食之

方煮肝散

夜明砂 青蛤粉 豉椒精草 各等分



右件為細末。每服大人三錢。中兒二錢。小兒一錢。純猪肝片。批開。摻藥在內。攤勻。以麻剗定。米泔半碗。煮肝熟。取出。肝將汁在碗內。熏眼。分肝三次嚼喫。即用肝汁下。一日三服。不拘時候服。三日就見。空心尤佳。

治小兒疳眼翳膜羞明不能見物以煑肝散主之 見前

○眼眶骨痛

病眼眶骨痛。若總見光明。則疼甚者。乃肝虛血少。身體重而疼者。此濕痰也。治察其因。

治血少眼眶骨痛。以明目地黄丸。或四物湯。加羌活。柴胡。防風。

酒黃芩主之。方見三卷內

明目地黄丸

生地黃 熟地黃 各四兩好酒浸 軟搗爛如膏

牛膝 七兩五卜



石斛

枳殼

杏仁

另研

防風

各一兩

右件依法治度為末。用地黃膏與煉蜜和為丸。如梧桐子大。每服五十九。鹽湯溫酒空心送下。

〔治〕眼眶眉稜骨痛。眼不可開。晝靜夜劇。此風熱與痰。以消風化痰之劑主之。

〔方〕消風化痰湯

川烏 一錢 童便浸炒

白朮 一各五分

羌活 一錢

細辛

甘草 各五分

黃芩 七分 酒浸

右咬咀水煎八分。食後熱服。

〔治〕眼眶疼身重有痰。以導痰湯與芫辛湯相伴煎。方見前卷

〔方〕芫辛湯

川芎 一錢五分

細辛

白朮 各一各

甘草 五



生薑 五片

芽茶 少許

右吹咀水煎八分。食後熱服。

治眉骨痛不可忍以選奇湯主之。

方選奇湯

羌活

防風 各二錢

黃芩

各一錢酒浸冬月不用  
若能食熱痛倍加之

甘草

炙夏月生用

右吹咀水煎八分。食後服。

法加半夏二錢薑製。

○鼻

經絡血氣皆上於面而走空竅其宗氣上出於鼻而為鼻。氣通於鼻。和則知香臭矣。夫宗氣者胃中生發之氣也。若因飽飢勞役損傷脾胃。生發之氣既弱。其營運之氣不能上升。空竅故不利而不聞香臭也。宜養胃氣使營運陽氣宗氣上升。



鼻則通矣。况肺氣通於天。貴乎清淨。或為風熱所吹。或為寒氣盛。為嚏為噴。甚則為鼻淵。衄血之患矣。有多酒之人。酒氣直上。而鼻血為極熱。熱血得冷。為陰所搏。汗濁凝結。滯而不行。宜其先為紫。而後為黑也。須用融化滯血。使之得流。滋生新血。可以運化。病乃易愈矣。

○麻病兩陳

右寸脉浮洪而數。為鼻衄鼻齋。

左寸脉浮緩。為傷風鼻塞。鼻流清涕。

鼻之為病。盡由心肺二經受病。有熱有寒。若寒客於皮毛。則鼻為之不利。苟熱壅清道。則氣不宣通。大法當要分別寒熱。二因而療。如因外寒者。表之以麻黃桂枝之類。若因肺熱者。清之以芩連梔子之屬。况鼻居面之中。岳為陽中之陽。



一身之血。而鼻皆取。至精至清之血。若飲酒之人。酒氣上炎。而鼻之血。皆爲酒所攻。設一因寒所泣。則凝而不行。故色變紫黑。治宜化滯氣。生新血。以四物湯加酒片苓。酒紅花茯苓。陳皮。甘草。生薑煎湯服。五靈脂末。如氣弱者加酒浸黃芪。如鼻頰鼻淵。宜防風通聖散。加薄荷黃連。如鼻壅塞。乃肺氣盛。用枯礬和面脂爲末。綿足塞鼻中。數日即消。凡鼻齕等症。皆由上焦心肺二經壅熱所致。蓋肺氣通於鼻。乃清氣出入之門。若或酒熱氣之上炎。氣血爲酒氣壅鬱。成熱。伏留不散。而爲鼻齕。又有不飲酒之人。亦成此症者。乃肺氣風熱壅滯所致。名曰肺氣宜。以防風散食後冷服。外用硫黃。入大羊頭骨煨研塗之。

凡鼻尖及鼻中生瘡。以辛夷研末。入腦麝少許。綿裹塞鼻中。仍

以荆芥白芷陳皮麻黃蒼朮甘草水煎食後服

病膽移熱於腦頻嚏濁涕不止名曰鼻淵久而不已必成衄血

之患以防風湯主之

方防風湯

防風 二錢五分 人參 二錢 黃芩 麥門冬

川芎 各一錢五分 甘草 炙五分

右咬咀水煎八分食後熱服

治風熱傷肺鼻塞清涕以上清散主之

方上清散

薄荷 一錢五分 荆芥 防風 山梔仁 各 錢九

甘草 生五分 黃芩 桔梗 各八分 連翹 一錢

右咬咀水煎八分食前熱服



治鼻不聞香臭以麗澤通氣湯主之

方麗澤通氣湯

黃芪 蒼朮 羌活 獨活 防風 升麻

葛根 各一錢 甘草 炙 麻黃 各五分 川椒 三分

白芷 四分 生薑 三片 枣子 二枚 葱白 三寸

右咬咀水煎八分食遠熱服

治多酒之人酒氣熏蒸面鼻飲醲酒深重致血為極熱熱血得

冷為陰所搏結滯不行故先紫而黑俗曰酒瘡鼻以清血

散主之

方清血散

當歸 川芎 白芍藥 黃芩 中枯 熟地 各一錢

茯苓 陳皮 各八分 生甘草 紅花 酒浸各五分 生薑 三片





右咀水煎調五靈脂末少許。食前熱服。如氣弱加黃芪一

錢酒焙

○耳

腎脉通乎耳。所主者精。精氣調和。腎元充足。則耳聞而聰。若勞傷氣血。風邪襲虛。使精衰腎憊。則耳轉而聾。其因有數証。蓋十二經脉。上絡於耳。適有交并。則臟氣逆而爲厥。搏入於耳。是謂氣厥。聾必兼眩暈。耳者宗脉之所附。脉虛而風邪乘之。風入耳脉。使經氣痞而不宣。是謂風聾。必兼頭痛。勞役傷於血氣。淫慾損其精元。瘦瘁力疲。昏昏曠曠。是謂勞聾。有能將息得所。血氣和平。則其聾暫輕。耳觸風邪。與氣相搏。其聲嘈嘈。眼見黑光。謂之虛聾。熱氣乘虛。隨脉入耳。聚而不散。濃汁流出。爲之膿耳。耳間有液。輕則不能爲害。若風熱搏之。津液結聚。成核塞耳。亦令

暴聾謂之聵耳。耳中常聞蟬鳴。或如風雨之聲。乃腎虛也。或氣虛亦然。有絕不聞者。此腎邪有傷。不易施治。凡人病中不可編絮枕首者。恐被其壅閉腎氣。而成痼聾也。前是數者。腎脉可推風則浮而盛熱則洪而實。虛則濇而濡。風爲之踈散。熱爲之清利。虛謂之調養。邪氣屏退。然而通耳。調氣安腎之劑。主之。於此得耳中三昧也。

○脉症備言

兩寸脉浮洪。而渙澁。兩尺脉短而微。皆屬陰虛。法當補陰抑陽爲主。

寸脉洪數。心火上炎。兩尺脉洪數。乃相火上炎。其人必遺精。或夢與鬼交。兩耳蟬鳴。或聾。

凡耳鳴。必用龍會丸。若氣實人。用棋榔丸。或神芩丸下之。如濕

痰致聾亦可通用。

○如耳中開開然亦是陰虛火動。

大抵耳聾之症皆屬於熱。由少陰厥陰熱多所致。治法在乎開痰散氣解熱為主。如通聖散滾痰丸之類。苟緣別因而致者亦當分因而療。

凡大病後及因陰虛火動而聾者。並宜以四物湯加黃栢知母降火之劑。如因風熱鬱結而聾者。以酒製通聖散加酒炒大黃。如因痰熱抑遏而致耳鳴者。以大劑通聖散加枳殼柴胡大黃甘草南星桔梗青皮荊芥木通之類。合四物湯服之爲愈。

治氣厥聾。以流氣飲子加石菖蒲葱白主之。方見四卷內

治風熱上壅兩耳聾閉內外腫痛膿水流出以犀角飲子主之。

方犀角飲

犀角

菖蒲

木通

玄參

赤芍藥

赤小豆

甘菊花

各八分

甘草

炙五分

生薑

二片

右咬咀水煎食遠温服。

治腎臟邪熱心下煩悶耳聽無聲以玄參羚羊角湯主之。

方玄參羚羊角湯

玄參

五加皮

生地黃

赤茯苓

各一全

羚羊角

黃芩

各八分

石菖蒲

麥門冬

通草

各五分

甘草

炙四分

右咬咀生薑五片水煎八分食遠熱服。

治風毒熱壅心胸痰滯兩耳虛聾頭痛目眩以犀角甘菊散主

之

方犀角甘菊散



犀角

甘菊花

前胡

枳殼

菖蒲

澤瀉

羌活

生地黃

麥門冬

木通各七分

甘草

炙四分

右咬咀水煎八分。食遠熱服。

治上焦風熱耳。忽聾鳴四肢滿急胸膈痞悶以茯神散治之。

方茯神散

茯神

一錢二分

羌活

蔓荊子

防風

黃芪

慧苡仁

各八分

五味子

五分

麥門冬

六分

菖蒲

八分

甘草

三分

黃芩

酒焙七分

右咬咀水煎八分。食後熱服。

治耳中乾結耳鳴耳聾。以柴胡聰耳之劑主之。

方柴胡聰耳湯

柴胡

二錢

連翹

三錢

甘草

五分

人參

一錢



當歸身一錢 生薑三片

右咬咀水二鍾煎一鍾去渣入水蛭、蠶、蠹、各炒、麝香俱研末少許再煎一二沸服。

治腎虛精少耳作鳴蟬以八味地黄丸方見四卷內或十全大

補湯加知母黃蘗主之方見三卷內

治氣虛耳鳴以參芪補氣湯血虛精少加熟地黄主之

方參芪補氣湯

黃芪 茯苓 人參各一錢

石菖蒲 黃蘗酒製

甘草炙各五分 知母

白朮 當歸

橘皮各八分 升麻

柴胡各四分

如精血少加熟地黄一錢。

右咬咀水煎八分食遠熱服。



治風氣上壅耳聾或氣定而聰者以通氣湯主之

方通氣湯

柴胡一錢 石菖蒲 知母 黃蘗酒浸 白芷各七分

防風 羌活各六分 烏藥七分 枳殼 甘草各五分

乾生薑三分 全蝎炒三枚

右咬咀水煎八分食前熱服。

治風氣閉之津液結聚成核塞耳以取耳膏治之

方取耳膏

生豬脂去膜 生地黃 釜下墨各等分

右件細研以葱汁和捏如蒸餅薄綿裹塞耳

○口舌

口者脾之標舌者心之竅所貴乎安謐一有勞動心火上炎加



之。胃梁積溫成熱。由是口舌赤裂瘡疾生焉。膀胱移熱於小腸。腸不便上爲口糜。口糜不已。飲食難入。若失調治。誠爲危症也。可不慎之。

○脉症宗源

脉經曰。左寸洪數。心熱口苦。右寸脉浮。肺熱口辛。

左關弦數而虛。膽虛口苦。○又云。左關洪實。肝熱口酸。

右關脉實。脾胃有實熱。口甘。兼洪數者。口瘡。或爲重木舌。脉虛者。中氣不足。

凡口瘡服涼藥不愈者。因中焦土虛而不能食。相火冲上無制。

宜理中湯。加參朮甘草。補土之虛。乾薑散火之標。甚者。可加附子。或噲官桂亦妙。此乃從治之法。或以生白礬爲末。貼之極効。此亦乃酸以收之之義。



凡口瘡之症爲患不一。治療之法。必當分因而療。不可拘執一

法治之

如心熱而口苦。或舌生瘡。以黃連瀉心湯。牛黃清心丸。涼膈散

之類。

如肺熱而口辛者。宜甘桔湯。瀉白散。金沸草之類。

如脾熱而口甘者。宜三黃丸。平胃散之類。

如腎熱而口鹹者。宜滋腎丸。滋陰大補丸之類。

治口糜。口中白爛。乃心胃有熱。水穀不化。以導赤散和五苓散

主之。方見三卷內

方導赤散

生地黃 一錢五分  
木通 二錢  
甘草  
竹葉 各一錢

右咬咀。水煎八分。食後溫服。



治口舌唇疼有瘡。頤頰腫痛。以玄參升麻湯主之。

方玄參升麻湯

玄參

赤芍藥

黃芩

升麻

貫仲

各一分

犀角

桔梗

甘草

生薑

各五分

三片

右改咀水煎八分。食後溫服。

治口舌唇疼有瘡。皆心火炎盛。以涼膈散主之。

方見五卷內

治口瘡連年不愈。以玄參丸主之。

方玄參丸

天門冬

麥門冬

玄參

各等分

右件依法製度為末。煉蜜為丸。如彈子大。每服一丸。嚙化。

治心脾壅熱。木舌腫脹。以玄參散降火之劑治之。

方玄參散



玄參

犀角 各一錢

升麻 一錢五分

大黃

量人虛實多少

甘草 生五分

右咬咀水二鍾煎一鍾食遠熱服

治因膏梁過用勞心尤甚氣出腥臭吐涕稠粘口乾舌燥以加

減瀉白散主之。

方加減瀉白散

桑皮

桔梗

各一錢二分

地骨皮

甘草

各八分

黃芩

麥門冬

五味子

各五分

知母

八分

右咬咀水一鍾煎八分食後熱服

治口瘡不已以赴進散主之。

方赴進散

蜜陀僧

黃蘗

青黛



右件各等分。為細末。乾摻瘡上。

治口瘡年久不愈。已服涼藥過多。反甚者。以理中湯主之。或用

乾薑。甘草。和勻。常帶細嚼。方見三卷內

治口糜生瘡。損爛飲食難下。是心胃壅熱。水穀不化。轉下小腸。也是以用柴皮湯治之。

方柴皮湯

柴胡 地骨皮 各三錢

右咬咀。用水一鍾。煎八分。熱服。

治口瘡口破疼痛。以芭荳半枚。生研。和米飯二荳。大杵和貼印。堂對眉間。約半刻許。覺紅就去。不可泡起。小兒減半。隨即

痊愈

○牙齒

牙齒乃腎氣之標。是手足陽明之所過。上齦隸於坤土。乃足陽明胃之脉貫絡也。止而不動。下齦嚼物動而不休。手陽明大腸之脉所貫絡也。手陽明惡寒飲而喜熱。足陽明喜寒飲而惡熱。牙亦喜寒。寒者堅牢。為病不同。熱甚則齒動齦斷。衄脫作痛。其為証有數種。有風熱。有腎虛。有齒齦宣露。有惡熱。有惡寒。有動搖。有齒齦腫起。脾胃中有風邪。但覺風而作痛。牙上蟲蝕。其齒缺少。而色變。胃中氣少。不能於寒。但露齒而作痛。有疼而臭穢。不可近者。痛既不一。法當隨証施治。所忌者。日月蝕。未平時。勿進飲食。不然。多患齒病也。

○脉症捷言

脉經曰。右寸關脉洪數。或弦而洪數。乃腸胃中風熱。齒痛尺脉洪大虛者。不腎虛相火上炎。

治齒法則

夫齒為關門乃腎之標骨之餘是以腎衰則齒豁精固則齒密其牙齦又屬腸胃所主苟腸胃濕熱壅盛則齒齦腫痛如被風口頭面俱痛如虫濁者由熱甚生風風甚生虫治宜分因治之不可按圖索驥

如因腎虧者滋胃丸滋陰大補丸之類

如腸胃濕熱壅盛如承氣湯之類如因風熱者宜防風通聖之類大法不越乎此三方加減

凡牙痛之症多屬濕熱宜以苦寒之劑為君辛涼之劑為臣梧洞淚佐以麝香研末搽之立効如痛再加車撥胡椒之辛以散鬱清熱佐以升麻寒水石之苦寒川芎細辛荆芥薄荷諸辛涼煎湯飲漱無有不効



**治** 風毒攻疰。牙根腫痛。以獨活散主之。  
**方** 獨活散

川芎

生地黄

獨活

羌活

防風 各一錢

細辛

荊芥

薄荷

各六分

右咬咀水。一鍾煎八分。食遠熱服。

**治** 牙出膿血。變骨蝕風。及骨已出者。以玉池散主之。

**方** 玉池散

藁本

防風 各八分

升麻 一錢

細辛

白芷

當歸

甘草節

槐花

川芎 各五

獨活 七分

右咬咀。生薑三片。水一鍾煎八分。溫漱。燕之亦可。

**治** 腎乏骨痠。胸痛者。以六味地黄丸。或虎潛丸主之。  
二方俱見五卷內

**治** 牢牙去風冷。以香鹽散主之。或甘松去鬚。畧焙為末。乾揩服。



處亦妙。

**治**苦於牙疼，欲落不犯手，以代刀散去之。

**方**代刀散

草烏頭

草撥 各一錢五分

川椒

細辛 各二錢

右件生為末，少許搗患處內外，其牙自落。

**治**齒疼，腮腫，寒熱骨疼，頭痛，以荆防敗毒散加石膏，升麻主之。

**方**荆防敗毒散

柴胡 一錢五分

前胡

羌活

獨活

桔梗

枳殼

人參

茯苓

川芎

各二錢 甘草 五分

防風

荆芥

各六分

生薑

三片

右咬咀，用水一鍾半煎七分，食遠服。

**治**牙疼，有風毒，以白芷、荆芥、蜂房、防風等分煎湯，頻漱，仍服消。





風散 方見三卷內

**治** 牙疔虫出孔中。用乳香少許，火炙令軟，以膏之。

**治** 牙齒疼痛，不可忍者。以蜂房湯泡漱立止。

**方** 蜂房湯

露蜂房 一錢

川烏

白芷 各六分

細辛 四分

川椒 五分

明礬 少許

右用沸湯半鍾泡去渣無風處濕敷。渣再泡漱。

**治** 齒齦宣露，牙縫血出。多是疔毒。用生竹茹二兩，醋煮合之。又

用細辛、甘草一醋煎減半，日夜合之。又用苦竹葉濃煎。

和鹽少許，通濕合冷則吐之。

**治** 牙宣，乃齒縫血流也。其因有二：若風壅者，以消風散擦之。仍

眼數貼。若腎虛乃虛火故也。以四物湯加什麻。方見三卷內



方安腎丸

鹽湯下安腎丸用香附子同薑鹽炒黑為末搯牙尤妙

青鹽

一兩另研

鹿茸

栢子仁

石斛

川烏

黑附子

炮

巴戟

肉桂

兔絲子

菴子

肉蓯蓉

胡蘆芭

杜仲

薑汁拌炒

遠志

石棗

酒蒸去核

破故紙

赤石脂

煨

茯苓

茯神

川練子肉

酒蒸

蒼朮

川椒

茴香

酒炒各五錢

右件依法脩製為末用山藥末打糊為丸如梧桐子大每服

八十一丸空心鹽湯送下

治

陽明濕熱壅盛牙疼法當疎濕清熱為主經云風能勝濕寒

可勝熱故用細辛防風以勝濕胆草升麻以解熱佐甘草

和藥瀉火



方立効散

細辛 防風 龍胆草 升麻 甘草

右咬咀用水煎。噙於口內。貼浸患處。少時嚥下。

治牙齦腫露出血。齒動欲落。疼痛妨食。大惡熱。少惡寒。此乃血

氣虧敗。腸胃濕熱。內壅所致。法當調補氣血。為清。清利濕

熱為標。用人參益氣。當歸地黃養血。經云。苦可以燥濕。以

可以勝熱。故用益智。草薺。麻黃。諸辛。助防己。升麻。黃連。皆

苦寒。以清腸胃中濕熱。齒乃骨之餘。故加羊脛骨以補骨

佐麝香。疎利關竅。以導諸藥。性至患所。

方麝香散

人參 川歸 生地 熟地 麻黃 防己

益智仁 草薺 升麻 羊脛骨 黃連 麝香



右件依法修製為細末搽患處。

治胃中濕熱牙疼法當清理濕熱經云苦可勝濕寒可勝熱故

用升麻黃連牡丹皮諸苦寒以清濕熱當歸生地黃涼血補血。

方清胃散

升麻一錢五分 黃連二錢 牡丹皮三錢

生地黃一錢 川歸二錢

右咬咀水煎八分涼服或為末擦牙亦妙。

治一切牙痛用白芷以疎陽明經風升麻石膏以清陽明經執

用羊脛骨補齒虛麝香辛葷引諸藥以通行闕竅。

方白牙散

白芷 辛溫五錢 升麻 苦寒一兩 石膏 辛寒五錢



麝香 羊溫一錢 羊脛骨 甘酸平五錢 共為末。察患處

○咽喉

咽喉之疼痛或因煩勞火盛或過食炙煇辛辣酒等蘊積熱毒致生風痰胸膈之間壅滯不散以成此証喉內生瘡狀如肉腐為腫為痛室塞不通吐嚥不下甚則生出重舌治宜先去風痰以通咽膈然後解其熱毒遲則不救又有熱衝上腭生瘡謂之喉癰及腑寒亦令人喉閉吞吐不利有纏喉風此症先兩日胸膈氣緊及氣短促驀然咽喉腫痛手足厥冷氣閉不通痰毒纏蔓雖分急慢慢則稍緩急者時刻失救便為死証最忌爪甲青紫又有虛火升上咽吐覺痛理宜以陰降火凡咽喉之病其道窄狹倘有遲悞便被痰壅呼吸之間生妖係焉惟有如聖散主銀匙宣雪最妙若旅途中倉卒不人以山豆根番木鱉子磨水



灌下尤好緩者。礪砂胆礬研細吹入患處。倘行遠宜備。非惟自  
已愈疾。抑且可救他人。此亦仁者之心也。又有喉疼忽愈。毒攻  
胸脇痛不可忍。氣促身熱不能眠臥者。以牛蒡子湯加貝母解  
之。有痰加瓜蒌仁七。日以後毒深喘甚。手足指甲紫者難治。

○脉症要刪

兩手脉浮洪而溢者。喉痺也。脉微而伏者。死。

大凡喉疼之症皆屬火熱。雖有數種之名。輕重之異。乃火之微  
甚故也。其微而輕者。可以藥餌緩治。甚而急者。則藥難以  
成功。必須針砭去血。乃爲上策。其次吐法。亦可用。蓋山茺  
根大能治喉痺。要藥也。或以遠志去心爲末。水調敷項上  
周圍亦効。

大都此症。針砭爲上。經云。砭石可去壅。是也。學者當慎思之。

如咽喉乾燥痛者。乃陰血虧敗。津液枯涸。宜以四物湯。加桔梗。荊芥。黃栢。知母。立止。

喉痺之症。俱屬火熱。但相火爲害。不可治。以苦寒。當用辛溫。從治之法。鍼砭。尤易成功。

咽喉生瘡。多屬血虛。虛熱。虛火遊行。無制。客於咽喉。所致。經云。虛火可補。是也。當用人參。荊芥。蜜炙黃栢。竹瀝等。加入四物湯內。

如實。熟宜。黃連。荊芥。薄荷。芒硝。薑汁。和蜜。丸。噉化。如痰火吐法。亦可用。

凡喉痺。必用荊芥。防風。凡陰火炎。必用玄參。

山荳根。治喉痺之聖藥。

治風痰上疼。咽喉腫痛。吞吐如碍。以甘桔湯主之。  
方見三卷內

治上中二焦 熱喉疼以涼膈甘桔湯加貝母主之。內見

病風痰壅盛咽喉腫痛水穀不下牙關緊閉以如聖散。

方如聖散

雄黃 二錢五分

枯白礬 二錢

猪牙皂角 去皮炙黃七枚

藜蘆 去皮心生用二錢

右件研細和勻用一字嚙鼻內吐痰為愈。

治風痰喉痺及纏喉風以玉鑰匙主之

方玉鑰匙

焰硝 三錢

鵬砂 一錢

龍腦 半分

白殭蚕 五分

右件研勻為細末每次半錢吹入喉中立愈。

病纏喉風上膈壅熱痰涎不利咽喉腫痛以雄黃解毒丸

雄黃解毒丸





雄黃 各二錢五分  
巴莖 十四枚去油

右件各另研極細醋煮麩糊為丸如菜莖大每服七丸弱者

以意減之清茶送下吐出頑涎則愈。

治喉閉氣寒不通飲食不下者以一字散。

方一字散

雄黃 二錢五分  
白礬 生二錢  
藜蘆 去皮生用二錢

蝮梢 七枚  
循牙皂角 炙黃七枚

右為細末研勻以一字嚙鼻內吐痰為愈。

治脾肺有熱虛煩上壅咽喉生瘡以利膈散。

方利膈湯

薄荷 荆芥 人參 各一錢  
防風 七分  
鼠黏子

甘草 各五分  
桔梗 八分  
殭蚕 五分



右以咀水二鍾煎七分食後熱服

酒纏喉風急喉痺以二聖散

方見五卷內

及白礬散主之

方白礬散

白礬

二錢器內慢火熱化為水用巴豆三枚分作六辨置在內候乾去巴豆取礬置末吹入鼻中

又方不用巴豆以鷄子清調灌喉中

治咽喉腫痛。嚙物妨碍。及口舌生瘡。以絳雪主之。

方絳雪

龍腦半分

鵬砂一錢

辰砂三錢

馬牙硝

寒水石各一尔

右除龍腦臨用漸加其餘同研極細每用一二字摻於舌上

津出燕下

治風熱上壅咽喉腫痛或生癰瘡有如肉齒以牛蒡子湯主之



方牛夢子湯

鼠黏子

玄參

黃芩 各一升

升麻 一錢二分

犀角 七分

木通 六分 甘草 五分

桔梗 一錢二分

右咬咀。生薑三片。水煎熟。食遠此。

治急喉風以奪命散主之。

治奪命散

枯白礬

殭蚕 炒去絲

明砂

皂角末 各等分

右件和勻少許。吹喉中痰出則差。

治走馬喉痺氣不通者。用巴苳綿裹。以左塞左鼻。以右塞右鼻。

如兩邊俱患。塞兩鼻立効。

治喉痺用新艾研汁灌下。如無以蛇床子入瓶內。燒煙入口。

愈。



時疫熱毒喉痺。以升麻連翹湯主之。

升麻連翹湯

升麻

桔梗

甘草

連翹

鼠粘子

防風

黃芩

酒製各一錢

右咬咀。水二鍾煎八分。食後徐徐服。

懸癰腫痛。不可飲食。以玄參散加射干主之。

玄參散

玄參

犀角

各一錢

升麻

一各五分

大黃

看人虛實多少

甘草

生五分

右咬咀。水二鍾煎一鍾。食遠溫服。

風熱上衝。會猷語聲不出。咽喉妨悶腫痛。以小如聖湯主之。

小如聖湯



甘草 防風 各一錢  
枳殼 七分  
桔梗 一朶五分

右剉水煎熟。慮清入酥少許。食後熱服。

〔浴〕虛火炎上喉疼。吞吐如碍。以降火清喉湯主之。

〔方〕降火清喉湯

薄荷 黃芩 各七分  
桔梗 黃蘗 酒炒 知母

生地黃 各一朶  
貝母 炒 六分  
山梔仁 炒 六分

甘草 四分  
右咀水煎。食遠溫服。

〔浴〕諸般喉疼。以山荳根丸主之。

〔方〕山荳根丸

山荳根 五朶  
大黃 升麻 竹硝 各一錢五分

右件依法製度為細末。煉蜜丸如皂莢。每次用一丸。

綿包含愈之。



治喉痛不妨嚥物。嚥物則微痛。以柑桔湯。加瓜篋仁。白殭蚕。主

之。方見三卷內。間以梅蕪含嚥。

方梅藥

黃藥 大黃 風化硝 各等分

右用陳霜白梅去核。杵爛如膏。入藥杵和勻。丸如芡實大。時

時噲嚥即瘥。

治感寒語聲不出。以三奇湯主之。

方三奇湯

桔梗 一兩五錢 蜜拌蒸 甘草 一兩五錢 生半炙 訶子

右剉水煎。不拘時。時細呷。

治纏喉風。喉閉。以鬱金散。主之。如無前藥。以升麻四兩。煎湯灌

下。亦無升麻。以阜角三錠。杵水灌下。



方 壽金散

巴豆

七粒三生四熟火燒存性 雄黃 阜子大 壽金 一錢

右件各另研和勻每服半字茶兩呷調下如口噤用竹筒納

藥在內吹入喉中須臾吐利為度

治 口舌生瘡咽喉腫痛以犀角散主之

方 犀角散

犀角 升麻 桔梗 甘草 各一錢

牛蒡子 四錢 竹葉 五六葉

右煎去渣細細熱漱溫即嚥之其渣熱置項腫處

治 纏喉風痰壅牙關緊急湯水難下急以牛蒡子湯加貝母瓜

窠仁灌下但得一口下咽則無危矣如難下以淨綿蘸藥

汁漸漸令嚥尤好



方生夢子湯

鼠粘子

玄參

黃芩

犀角

木通

升麻

桔梗

甘草

生薑

右咬咀水煎食遠溫服

水腫

夫水少陰主之少陰屬腎主本肺主標皆積水也。因脾胃有虧不能防制以致浸漬凝而不流。或加之七情四氣使臟腑受邪遂成此疾。發見之初眼下若臥蚕之狀微而至大以手按之則隨手而起如裹水其內斯為証也。通身光腫手按成窟舉手即漏甚則足膝臍腫腹大上入於肺面浮喘咳不得臥者此標本俱病也。腫先起於腹而後散四肢者可治先起四肢而後歸於腹者難治。陰水為病脉來沉遲色多青白不煩不渴小便澀少





而清。大腑多泄。陽水爲病。脉來沉數。色多黃赤。或煩或渴。小便赤色。大便多閉。况其病形不一。有病疣然如水狀。脉大緊。身無痛形。瘦不能食。名爲腎風。善驚驚已。心氣痿者。以有勇力。勞傷甚。則汗出而逢於風內。不得入於臟肺。外不得越於皮膚。客於玄府。行於皮裏。傳爲臍腫。本之於腎。名爲風水。所謂玄府者。汗空也。寸口脉浮滑者。中有水氣。面目腫大有熱。或身體反重而酸。或惡風。一身悉腫。脉浮不渴。續自汗出而無大熱者。皆爲風水。其脉浮。臍腫按之沒指。不惡風。其腹如鼓不渴。四肢腫。水氣在皮膚中。四肢聶聶動者。此爲皮水。其脉沉溼。外証自喘。此爲正水。其脉自沉。腹滿不喘。此爲石水。其脉自浮。骨節疼痛。惡風自汗。此爲黃汗。風水身重。少氣不得臥。煩而躁。其陰大腫。此爲心水。腹大不能自轉。側脇下腹中痛。時時津液生。小便續通。此

爲肝水身腫小便難時時鴨溲此爲肺水腹大四肢若重津液  
不生但若少氣小便難此爲脾水腹大臍腫腰痛不得溺陰下  
濕如牛鼻上汗其足逆冷面瘦此爲腎水一身面目黃腫其狀  
沉小便不利此爲裏水更有生瘡日久濕熱內鬱起居倦怠食  
則眼臥以致脾虛不能運化亦發腫証非水病比也大抵治水  
之法要已上腫宜汗下腫宜利小便此所謂開鬼門潔淨  
府也必須先補脾爲主隨証增損使脾氣得實自能健運升降  
水必順行雖水益腫甚只宜補中除濕使小便分利若察其年  
壯病淺補助日久形神未憊者暫行十棗湯之類尤當斟酌倘  
年衰病久未經補助者切不可妄行道利雖劫効目前而陰損  
正氣然病亦不旋踵而至愈後又宜節飲食少勞役否則愈而  
復作甚則肌肉崩潰足脛流水唇黑耳焦缺盆平臍凸背平足

平。手掌平。肉硬。腹多青筋。大便滑泄。此是五臟有損不可治也。若面生黑色者。肝死。兩肩凸者。肺死。臍突出者。脾死。兩手無紋者。心死。下注脚腫者。腎死。男子從脚下腫而上。女從身上腫而下。此亦為逆。凡脉得浮大則生。沉細則死。

○脉症兩詳

脉經曰。關上脉虛者。內脹。又云。遲而滑者。脹。

又云。盛而緊者。脹。又云。虛而緊者。脹。

丹溪曰。水腫。味多沉伏。又云。病陽水。兼陽症。脉必沉。數。陽水

之症。煩滿。小便赤澁。大便閉結。

凡陰水。兼陰症。脉必沉。遲。陰水之症。不煩滿。大便溇。小便少。不

赤澁。又云。凡水病。腹大如鼓。脉實者。主虛者。死。洪大者。

主虛。細者。死。先以五皮散。或六磨湯。方見五卷重則五皮散。



方五皮散

五加皮

地骨皮

生薑皮

大腹皮

茯苓皮

各等分

石咬咀水煎八分食前温服

一方加陳皮一方加薑黃

桑白皮木瓜

方踈鑿散

澤泄

赤小荳

白商陸

虛人減半

羌活

椒目

大腹皮

赤茯苓

木通

秦艽

檳榔各一錢

生薑

五片

右咬咀水煎八分空心熱服

治陰水身腫不煩不渴大便溇泄小便澁而不赤以實脾散

滿水香流氣飲主之

方實脾散



厚朴

白朮 各五分 木瓜

木香

乾薑

草果

大腹皮

黑附子 炮

白茯苓 各二分

生薑 三片

甘草 炙一分 棗子 二枚

右咬咀 用水煎七分 空心熱服。

〔方〕木香流氣飲

人參

厚朴

石膏蒲

甘草

青皮

白朮

紫蘇

桂心

香附子

蓬茂

茯苓

檳榔

丁香皮

大腹皮

木香

半夏

麥門冬

草菓

木通

藿香

陳皮

白芷

木瓜 各等分

右咬咀 棗子二枚 生薑三片 水煎八分 食前熱服。

〔治〕煩熱水腫 以炒山梔仁 錢白朮二錢五分 木香一錢 煎服。

流順水 空心煎服



水腫小便不通。目精黃。以五苓散。方見三卷內。加木通。黃芩。主之。

方風濕客於脾經。氣血凝滯。以致面目虛浮。四肢腫滿。心腫。腹脹。上氣促急。以五皮散主之。方見本卷前。

治暑濕傷脾。水腫腹脹。小便赤澀。大便滑利。上氣喘急。以葶藶木香散主之。

方葶藶木香散

葶藶

木香 各五分

滑石

澤瀉

猪苓

白朮

赤茯苓

木通 各一錢

官桂

甘遂

生薑 三片

右咬咀。水煎七分。不拘時服。

治停血不散。腹腫喘滿。夜甚於晝。或血虛而膨。或脹。或散。並以



當歸散主之

方當歸散

木香煨

桂心

木瓜各五分

赤茯苓

當歸鬚

陳皮

白朮各一錢

赤芍藥各一錢二分

木通

牡丹皮

檳榔各七分

紫蘇四分

右咬咀水煎八分不拘時服。

治水腫脹急其人強實以十棗湯利之。

方見四卷內。中病止藥。

久病虛人禁用。以除濕消脹湯主之。

方除濕消脹湯

白朮一錢五分 茯苓一錢

猪苓

澤瀉各七分

厚朴

陳橘皮

瞿麥

扁蓄各五分

白芷

本香

甘草各三分

木通四分

縮砂仁七枚 生薑三片



右咬咀。水煎。應清以一蛤殼磨沉香濃汁和服。

〔治〕血氣俱熱。遂生瘡疥。變為腫滿。或煩或渴。以赤小荳湯主之。

稍退止服。

〔方〕赤小荳湯

赤小荳炒當歸

商陸

澤瀉

桑白皮

連翹

赤芍藥 防己

猪苓

澤瀉

各等分

生薑

三片

如熱甚加犀角。

右咬咀。水煎八分。熱服。如氣虛者。不宜服。

〔治〕濕熱之氣在上。抑遏清氣。鬱而不升。而為脹滿。法當升清氣。

利濁氣。是以用沉香。升清氣。降濁氣。木香。厚朴。枳實。橘紅。

青皮。莫朮。蔓萸等。散壅滯。以疎脹滿。白木。健脾燥濕。用茯苓。

澤瀉。分利水氣。大黃。以下濕熱。當歸。理氣血。使各歸其所。





方沉香交泰丸

沉香 五錢 木香 一兩 厚朴 一兩 枳實 橘紅 各二兩

青皮 一兩 莫莛 五錢 白朮 五兩 茯苓 三兩 澤瀉 一兩

當歸 三兩 大黃 一兩

右為末。蒸餅丸如梧子大。薑湯下三五十九。或七十九為愈。

方四磨飲 治水腫

人參 檳榔 沉香 烏藥 各二錢

右件依法。磨水七分。煎三五沸服。

治濕熱內攻心腹脹滿。小便澁。少大便滑利。及瘡後作腫。以大

橘皮湯主之。

方大橘皮湯

橘紅 白朮 赤茯苓 各一錢 滑石 炒 一分



木香 五分 檳榔 八分 猪苓 七分

澤瀉 一分

肉桂 各三分 甘草 各三分

右咬咀用生薑三片水煎熟溫服

病積水驚水或飲水過多停積於脾故四肢腫而身熱以退腫

塌氣之劑

方退腫塌氣散

赤小豆 蘿蔔子 陳皮 各一錢五分 甘草 炙

木香 炮各七分 生薑 五片

如水腫脹甚去甘草加甘遂炒五分稍退止加

右咬咀用棗子二枚水煎熟食前服

病久瀉後脾氣衰弱浮腫小便不利以胃苓湯主之 方見三卷內

治水氣腫滿喘急不止以赤茯苓散或赤茯苓丸



方赤茯苓散

赤茯苓

桑白皮

各一錢五分

貝母一錢

桔梗

杏仁

甜葶藶

各七分

升麻八分

甘草

右咬咀水煎熟食遠温服。

方赤茯苓丸

赤茯苓

一兩

葶藶

四兩

防已二兩

木香

五錢

右件依法製度為末。枣肉為丸。如梧桐子大。每服四五十丸。

桑白皮湯。空心送下。

治病後浮腫。此是脾虛不能制水。以六君子湯加木香主之。

見方

四卷

病脾氣有餘。氣不宜通。面目手足浮腫。以導滯氣通經之劑。

方導氣通經湯



橘皮去白

桑白皮

白木

木香

白朮各等

如霰甫加澤瀉一錢

右咬咀水煎熟食前溫服。

病肺移於腎。腹滿不堅。溢如囊裹漿。疾行則濯濯有聲。名涌水。

以葶藶澤瀉之類。

方葶藶丸

葶藶

另研

澤瀉

椒目

桑白皮

杏仁

另研

猪苓

各五錢

右件依法製度為末。煉蜜為丸。如梧桐子大。每服二十九粒。

白湯不拘時服。以利為度。

病

病人不得臥。臥則喘。水氣逆行。上乘於肺。肺得水而浮。使氣不通。流脉沉大。以神閉湯。



方神閉湯

白茯苓

紫蘇

橘皮

人參

各一錢

木香

五分

桑白皮

一錢五分

生薑

七片

右吹咀水煎熟不拘時服。

病腿脚浮腫上輕下重不能屈伸或有自汗以防已黃芪湯主

之。方見三卷內。

病生瘡愈早濕氣不散以致遍身浮腫當利小便通其氣以五

苓散

方見三卷內。

五皮散各半和服

方見本卷前。

治水病浮腫氣實人暫用蘿蔔子飲稍退止服。

方蘿蔔子飲

蘿蔔子

生

赤茯苓

各一錢

牽牛

炒取末

葶藶

各七分

甘草

白商陸

各三分

半夏

薑製

川芎



檳榔

青木香

各七分

官桂

青皮

陳皮

各五分

生薑

五片

右咬咀。用水煎熟。空心熱服。

治生瘡之人。用乾藥太早。致濕不散。遍體浮腫。大便閉者。以升

麻和氣飲主之。

升麻和氣飲

升麻

乾葛

桔梗

陳皮

甘草

各七分

蒼朮

當歸

大黃

白芍藥

茯苓

各五分

半夏

枳殼

白芷

各三分

乾薑

生二

生薑

三片

右咬咀。燈心十五莖。用水煎食前服。

如熱盛。去乾薑。加黃

連三分。連翹五分。

治下部水腫。囊濕足冷。氣喘上促。以降氣除濕湯主之。



方降氣除濕湯

沉香 木香 白朮 各二錢 澤瀉 白茯苓

橘紅 各一錢五分 半夏 一錢 防己 一錢 甘草 灸少許

白芫花 五分 生薑 五片

右咬咀。水煎空心服。

治生瘡日久。元氣倦怠。食則眠臥。脾虛不能運化。以致腹滿而

浮足腫。以大橘皮湯。加枳實。大腹皮。硝砂仁。主之。見本草內

凡腫從脚起。其根在心。加葶藶。從陰腫起。其根在腎。加澤瀉。從

腸腫起。其根在肚。加川椒。從口唇腫起。其根在小腸。加已

戟。從面腫起。其根在脾。加桑白皮。從脇腫起。其根在骨。加

甘遂。從項腫起。其根在隔。加茯苓。仍察虛實加減。

治腫大法。補中行濕。能使大便潤。小便長。以六君子湯為主。



佐以黃芩。麥門冬以清肺金。制伏肝木。若腹中實

脹。少佐厚朴。氣不轉運。加木香。木通。硝砂仁。久瀉清氣。積

下。加柴胡。升麻。提之。若食積加神麩。肉積少加草果。水氣

盛。去甘草。加甘遂些少。下部腫甚。加防已。喘急加桑白皮。

治產後水腫。非比尋常。必須大補氣血。使水自降。以四物湯。

三卷內

四君子湯相半。加佐蒼朮。若壅滿。加半夏。陳皮。香

附子。兼之有熱。當清肺。加麥門冬。黃芩。氣不順。加大香。硝

砂仁。若瘀血成脹。自有專科之法。

○鼓脹

心肺陽也。若上。腎肝陰也。居下。脾居中。亦陰也。屬土。經曰。飲食

入胃。遊溢精氣。上輸於脾。脾氣散精。上歸於肺。通調水道。下輸

膀胱。水精四布。五經並行。是脾具坤靜之德。而有乾健之運。故





能使心肺之陽降。腎肝之陰升。而成天地交之泰。是爲無病。今也七情內傷。六淫外侵。飲食不節。房勞致虛。脾土之陰受傷。轉輸之官失職。胃雖受穀。不能運化。故陽自升。陰自降。而成天地不交之否。於斯時也。清濁相混。隨道壅塞。氣化濁血。瘀鬱而爲熱。熱留而久。氣化成濕。濕熱相生。遂成脹滿。經曰。鼓脹是也。以其外雖堅滿。中空無物。有似於鼓。其病膠固。難以治療。理宜補脾。又須養肺金以制木。使脾無賊邪之慮。滋腎水以制火。使肺得清化之令。卻塩味以防助邪。斷妄想以保母氣。無有不安。醫不省察。病起於虛。急於作効。銜能希賞。病人苦於脹急。善行利藥。以求一時之快。不知寬得一日半日。其腫愈甚。病邪甚矣。真氣傷矣。去以不遠。此病之起。或三五年。或十餘年。根深勢篤。卒難獲効。知王道者。能治此病。倘其不因於虛。受病亦淺。脾胃尚

健積滯不痼。而又有可下之症。亦宜先與補脾之劑數。貼方可  
畧行疎導者。按張子和濟川散。禹攻圓。為例行。延致之策。實所  
不散。其脉浮大則生。沉細弦急則危。又有中滿。此是脾胃虛弱  
乍為氣食所停。比之脹症尤輕。有婦人曰產崩血虛。或瘀血不  
散。亦成腫脹。其人脉必澹。而面黑不可。作水濕治之。用心於斯  
可以萬全。

○脉症備詳

脉脹滿。脉弦。脾制於肝。洪數熱脹。逢弱陰寒。浮為虛脹。緊則中  
實。浮大者生。虛小危急。

治病久腹脹。手足瘦。而腹大如蜘蛛。脉弦而澹。重則大。此為氣  
虛。以人參白朮湯主之。

方人參白朮湯

人參

白朮

各一錢五分

當歸

白芍藥

橘皮

茯苓

各一錢

川芎

八分

黃連

三分

厚朴

四分

甘草

生二分

右咬咀。用水煎空心服之。

治腹脹形黑時或見血脈瀉重似弱此血虛以當歸白朮湯主

之。若產後血虛腹脹去朮連加大參

方當歸白朮湯

當歸

一錢二分

川芎

白朮

各一錢

黃連

三分

黃芩

木通

各四分

厚朴

二分

白芍藥

八分

橘皮

熟地黃

各五分

甘草

生二分

右咬咀。水煎熟空心熱服。

治脾胃不和腹脹少食或面足皆浮小便赤少以木香橘皮湯

